

PRIMLJENO: 10 01. 2020			
Opis	Broj	God	Vrijednost
02-1-1366-2	-	-	-

UNIVERZITET U SARAJEVU
FAKULTET POLITIČKIH NAUKA

Komisija za izbor akademskog osoblja-saradnika u naučno-nastavno zvanje viši asistent po raspisanom Konkursu na naučnu oblast 'Komunikologija/žurnalistika'

Sarajevo, 25. decembar 2019. godine

FAKULTET POLITIČKIH NAUKA
VIJEĆU FAKULTETA

Predmet: Izvještaj sa prijedlogom za izbor akademskog osoblja-saradnika u naučno-nastavno zvanje viši asistent na naučnu oblast 'Komunikologija/žurnalistika'

Na osnovu člana 36, 93, 102. i 107. Zakona o visokom obrazovanju ('Službene novine Kantona Sarajevo' br. 33/17), te prijedloga Odsjeka za komunikologiju od 28. novembra 2019. godine, a u vezi sa članom 106. Zakona o visokom obrazovanju Kantona Sarajevo, Vijeće Fakulteta političkih nauka Univerziteta u Sarajevu odlukom br. 02-1-1366-1/19. od 10. decembra 2019. godine imenovalo je Komisiju za izbor u naučno-nastavno zvanje viši asistent na naučnu oblast 'Komunikologija/žurnalistika' u sljedećem sastavu:

1. **Prof. dr. Amila Šljivo - Grbo**, redovni profesor Fakulteta političkih nauka Univerziteta u Sarajevu na naučnoj oblasti 'Komunikologija', predsjednik,
2. **Prof. dr. Senadin Lavić**, redovni profesor Fakulteta političkih nauka Univerziteta u Sarajevu na naučnoj oblasti 'Sociologija', član i

3. **Doc.dr. Irena Praskač - Salčin**, docent Fakulteta političkih nauka Univerziteta u Sarajevu na naučnoj oblasti 'Komunikologija', član.

Fakultet političkih nauka Univerziteta u Sarajevu je na osnovu člana 103. Zakona o visokom obrazovanju ('Službene novine Kantona Sarajevo' br. 33/17), člana 201. Statuta Univerziteta u Sarajevu, Odluke Vijeća Fakulteta političkih nauka Sarajevo br. 02-1078-1/19. od 3. oktobra 2019. godine i saglasnosti Senata Univerziteta u Sarajevu br. 01-32-117/19. od 30. oktobra 2019. godine, dana 12. novembra 2019. godine u dnevnim novinama 'Dnevni avaz', na web stranici Fakulteta političkih nauka, te web stranici Univerziteta u Sarajevu raspisao Konkurs za izbor akademskog osoblja-saradnika u zvanje viši asistent na naučnu oblast 'Komunikologija/žurnalistika' za 1 (jednog) izvršioca u radni odnos na puno radno vrijeme, a u skladu sa Odlukom o dinamičkom planu potreba za raspisivanje konkursa za izbor u naučno-nastavna zvanja Fakulteta političkih nauka Univerziteta u Sarajevu br. 03-1-865-1/19. od 26. juna 2019. godine.

Na raspisani Konkurs za izbor akademskog osoblja-saradnika u naučno-nastavno zvanje viši asistent na naučnu oblast 'Komunikologija/žurnalistika' u predviđenom roku prijavio se jedan (1) kandidat:

1. Lamija Silajdžić, MA

Komisiji je dostavljena potvrda Službe za pravne, kadrovske i pomoćno - tehničke poslove Fakulteta političkih nauka Univerziteta u Sarajevu br. 02-1-1330-1/19. kojom se potvrđuje da je kandidatkinja Lamija Silajdžić,

MA dostavila blagovremenu i potpunu prijavu sa uslovima utvrđenim u konkursu.

Navedena potvrda Stručne službe Fakulteta političkih nauka Univerziteta u Sarajevu sastavni je dio ovog Izvještaja u skladu sa članom 107. Zakona o visokom obrazovanju Kantona Sarajevo ('Službene novine Kantona Sarajevo' br. 33/17) i članom 16. Statuta Univerziteta u Sarajevu.

Odlukom Vijeća Fakulteta političkih nauka Univerziteta u Sarajevu br. 02-1-1366-1/19. od 10. decembra 2019. godine imenovana je Komisija za izradu izvještaja sa prijedlogom za izbor akademskog osoblja-saradnika po raspisanom konkursu na naučnu oblast 'Komunikologija/žurnalistika' koja nakon što je pregledala prijavu kandidata podnesenu u skladu sa članom 96. Zakona o visokom obrazovanju ('Službene novine Kantona Sarajevo' br. 33/17) i članom 194. Statuta Univerziteta u Sarajevu podnosi Vijeću Fakulteta političkih nauka Univerziteta u Sarajevu sljedeći:

I Z V J E Š T A J

sa prijedlogom za izbor akademskog osoblja-saradnika u naučno-nastavno zvanje

VIŠI ASISTENT na naučnu oblast 'Komunikologija/žurnalistika'

Izvještaj sadrži:

I Osnovne biografske podatke kandidata

II Naučno – istraživački i stručni rad kandidata

III Nastavno – pedagoški rad kandidata

IV Zaključak Komisije sa prijedlogom za izbor

I Biografski podaci kandidata

Lamija Silajdžić rođena je 1989. godine u Zenici. Osnovnu školu i Prvu gimnaziju završila je u Zenici, a prvi i drugi ciklus studija Komunikologije na Fakultetu političkih nauka u Sarajevu. Dobitnica je priznanja 'Zlatna značka Univerziteta u Sarajevu' kao najbolji student Fakulteta političkih nauka na prvom i drugom ciklusu studija. Nakon drugog ciklusa studija radila je kao novinar u Informativnom programu Radio-televizije Bosne i Hercegovine. U zvanje asistenta na Odsjek za komunikologiju Fakulteta političkih nauka Univerziteta u Sarajevu izabrana je u oktobru 2016. godine. Nakon izbora u zvanje asistenta saraduje na predmetima: Etika javne riječi, Medijska regulativa, Mediji i društvo, Teorija medija, TV novinarstvo, Radio novinarstvo, Online novinarstvo, Printano novinarstvo, Historija komuniciranja i Praksa. Treći ciklus studija na Fakultetu političkih nauka Univerziteta u Sarajevu – istraživačko polje Komunikologija upisala je 2016. godine. Odlukom Senata Univerziteta u Sarajevu od 27. maja 2019. godine odobrena joj je izrada doktorske disertacije pod naslovom 'Digitalizacija i konvergencija medija u Bosni i Hercegovini'.

Učestvovala je u izradi Strategije i kampanji za promociju upisa na Fakultet političkih nauka u akademskoj 2018/19. godini – 'Ponosni na znanje'. Uspješno je obavila edukaciju na treningu Centra za cjeloživotno učenje Fakulteta političkih nauka Univerziteta u Sarajevu i DVV International 'Andragoški pristup i komunikacija u akademskoj zajednici'. Angažovana je kao koordinatorica Radne grupe PR&event tim Instituta za društvena istraživanja Fakulteta političkih nauka Univerziteta u Sarajevu. Moderirala i nekoliko promocija knjiga. U toku akademske 2017/18. i 2018/19. godine uređivala je blog studenata Fakulteta političkih nauka Univerziteta u Sarajevu 'Studenti o mladima'. Članica je

Udruženja dobitnika Zlatne značke Univerziteta u Sarajevu i Centra za informacijsku sigurnost i nove medije. Od 1. oktobra 2019. godine obavlja funkciju sekretara Odsjeka za komunikologiju/žurnalistiku.

Govori engleski jezik. Poznaje računarske tehnologije.

Učestvovala je na naučnim i stručnim konferencijama, projektima, seminarima i treninzima.

II Naučno - istraživački i stručni rad kandidata

U skladu sa uslovima koji su navedeni u konkursu kandidatkinja je uz prijavu dostavila i objavljene radove:

Objavljeni radovi nakon izbora u zvanje asistenta:

1. Dudić A, Silajdžić L. (2019) 'LGBTIQ populacija u bosanskohercegovačkom društvu: stavovi javnosti i medijsko izvještavanje', Zbornik radova Položaj marginalizovanih grupa u društvu, Centar modernih znanja Banja Luka, 311-328, UDK 616.89:659-3(497.6), DOI 10.7251/ZCMZ011931D, naučne baze ERIH PLUS, CEEOL i SJIF Impact Factor Evaluation, sa impact faktorom 5.679
2. Silajdžić, L. (2018) 'Medijsko izvještavanje o migracijama i izbjeglicama u Bosni i Hercegovini', Medijski dijalozi, Podgorica, broj 32, 65-73, UDK 316.774-054.7(497.6)
3. Silajdžić, L. (2018) 'YouTuberi, Instagrameri i ostali '-eri' u internet eri', u 'SaZnanje - Zbornik radova 7. međunarodnog naučno - stručnog skupa Obrazovanje, jezik, kultura: tendencije i izazovi', Zenica, 752-758, UDK 316.775:004.738.5, CEEOL

4. Silajdžić, L. (2017) 'Medijske ikone i medijska pismenost danas', Društvene i humanističke studije, Časopis Filozofskog fakulteta u Tuzli, broj 3, 301-319, UDK 316.752/.77, CEEOL

Naučno - istraživački i istraživački projekti:

- Projekat 'Medijska i informacijska pismenost u funkciji razvoja kritičkog mišljenja i zagovaranja mladih', program Dijalog za budućnost (UNESCO, UNICEF i Fakultet političkih nauka Univerziteta u Sarajevu, 2019/20) – asistent na projektu
- Projekat 'Izgradnja povjerenja u medije u Jugoistočnoj Evropi i Turskoj' (UNESCO i Fakultet političkih nauka Univerziteta u Sarajevu, 2018/19) – asistent na projektu
- Projekat 'Glas mladih u BiH – digitalna platforma kao medij mladih' (Centar za cjeloživotno učenje i Institut za društvena istraživanja Fakulteta političkih nauka Univerziteta u Sarajevu, MONKS, 2018) – istraživač/supervizor

Izlaganja na međunarodnim i domaćim konferencijama i stručnim skupovima:

- Predavač na radionici za novinare i urednike o temi 'Uloga medija u promociji medijske i informacijske pismenosti', Fakultet političkih nauka, Banja Luka, 16. novembar 2019. godine
- Izlaganje na Međunarodnoj znanstvenoj konferenciji 'Vjerodostojnost medija: Medijska agenda 2020-30', Fakultet političkih znanosti, Zagreb, 6 – 8. juna 2019. godine
- Izlaganje na Međunarodnoj znanstvenoj konferenciji 'Pozicija marginaliziranih grupa u društvu', Centar modernih znanja, Banja Luka, 31. maj 2019. godine

- Izlaganje na konferenciji 'Žene u novinarstvu i novinarska solidarnost', IMEP projekat, Sarajevo, 12. mart 2019. godine
- Izlaganje na Međunarodnom naučno - stručnom skupu 'Jezik, kultura i obrazovanje: tendencije i izazovi', Filozofski fakultet, Zenica, 17. april 2018. godine

Učešće u organiziranju konferencija i drugih skupova:

- član Lokalnog organizacionog odbora međunarodne konferencije 'Diversity and Democratic Governance: Legacies of the Past, Present Challenges, and Future Directions?' IPSA 2019. Sarajevo: Fakultet političkih nauka Univerziteta u Sarajevu, 12 - 15. juna 2019. godine
- član Organizacionog odbora radionice povodom obilježavanja Evropske sedmice medijske pismenosti, EU info centar, Fakultet političkih nauka Univerziteta u Sarajevu, 20. mart 2019. godine

Ostale aktivnosti:

- Učešće na interaktivnoj radionici za studente 'Razvoj i unapređenje medijske i informacijske pismenosti i kritičkog mišljenja' u okviru projekta 'Medijska i informacijska pismenost u Bosni i Hercegovini u funkciji razvoja kritičkog mišljenja i zagovaranja mladih', mentor studentima, Fakultet političkih nauka Univerziteta u Sarajevu, 1 – 3. novembra 2019. godine
- Učešće na Programu u okviru realizacije obuke predavača (Train the Trainers), PODIUM metodologija unapređenja vještina javnog zagovaranja i procjena potreba zajednice i PONDER metodologija za razvoj i unapređenje medijske i informacijske pismenosti i kritičkog mišljenja, u okviru projekta 'Medijska i informacijska

pismenost u Bosni i Hercegovini u funkciji razvoja kritičkog mišljenja i zagovaranja mladih', trener/mentor, Fakultet političkih nauka Univerziteta u Sarajevu, 4 – 6. oktobra 2019. godine

- Učešće na radionici povodom obilježavanja Evropske sedmice medijske pismenosti, EU info centar, Fakultet političkih nauka Univerziteta u Sarajevu, 20. mart 2019. godine
- Učešće na radionici i članstvo u Savjetodavnoj grupi institucija, organizacija i pojedinaca aktivnih u oblasti medijske i informacijske pismenosti u Bosni i Hercegovini, projekat 'Izgradnja povjerenja u medije u Jugoistočnoj Evropi i Turskoj', Mediacentar i Fakultet političkih nauka Univerziteta u Sarajevu, Sarajevo, 29. januar 2019. godine
- Učešće na seminaru Osnove fotografije, Institut za društvena istraživanja Fakulteta političkih nauka Univerziteta u Sarajevu, 27. juni 2018. godine
- Učešće na treningu Travel Writing Workshop by Alex Crevar – National Geographic Travel, Centar za cjeloživotno učenje Fakulteta političkih nauka Univerziteta u Sarajevu, maj 2018. godine
- Učešće na treningu Centra za cjeloživotno učenje Fakulteta političkih nauka Univerziteta u Sarajevu i DVV International 'Andragoški pristup i komunikacija u akademskoj zajednici', januar – februar 2018. godine

III Nastavno - pedagoški rad kandidata

Kandidatkinja Lamija Silajdžić je u oktobru 2016. godine izabrana u zvanje asistenta na naučnu oblast Komunikologija/žurnalistika na Fakultetu političkih nauka Univerziteta u Sarajevu.

U zvanju asistenta bila je angažovana kao saradnik na predmetima: Etika javne riječi, Medijska regulativa, Mediji i društvo, Teorija medija, TV novinarstvo, Radio novinarstvo, Online novinarstvo, Historija komuniciranja, Medijska kultura i Praksa.

Kandidatkinja je dostavila dokaz o provedenom periodu u nastavi u trajanju od 2 godine, 6 mjeseci i 18 dana.

IV Zaključak Komisije

Uvidom u dostavljenu prijavu i prateću dokumentaciju kandidatkinje, a u skladu sa uvjetima iz konkursa, Komisija za pripremanje prijedloga za izbor akademskog osoblja-saradnika u naučno-nastavno zvanje viši asistent na naučnu oblast 'Komunikologija/žurnalistika' zaključila je sljedeće:

Kandidatkinja Lamija Silajdžić, MA ispunjava propisane uslove što je vidljivo iz sadržaja prijave shodno članu 96. Zakona o visokom obrazovanju ('Službene novine Kantona Sarajevo' br. 33/17) i članu 193. Statuta Univerziteta u Sarajevu a kojim su propisani minimalni uslovi za izbor u zvanje viši asistent, te člana 193. Statuta Univerziteta u Sarajevu po kojem član akademskog osoblja koji je biran u zvanje asistenta može biti biran u zvanje viši asistent prije isteka izbornog perioda ukoliko je proveo u nastavi najmanje dvije godine nakon posljednjeg izbora, ima dva objavljena naučna rada u oblasti za koju se vrši izbor ili je upisao treći ciklus studija i uspješno izvršio sve svoje obaveze i položio sve ispite sa prve godine ovog studija, a što je predviđeno i Odlukom o dinamičkom planu potreba za raspisivanje konkursa za izbor u naučno-nastavna zvanja Fakultet političkih nauka Univerziteta u Sarajevu br. 03-1-865-1/19 od 26. juna 2019. godine.

Komisija za izbor akademskog osoblja-saradnika u naučno-nastavno zvanje viši asistent na oblast 'Komunikologija/žurnalistika' konstatira i da je kandidatkinja Lamija Silajdžić, MA svoje visokoškolsko obrazovanje, dodiplomski i postdiplomski studij stekla u naučnoj oblasti Komunikologija/žurnalistika za koju je i raspisan konkurs na Fakultetu političkih nauka Univerziteta u Sarajevu čime se potvrđuje znanstvena i akademska vertikalna njenog naučno - istraživačkog angažmana u toj oblasti. Kandidatkinja je u dokumentaciji priložila i dokaz da je u zvanju asistenta provela dvije (2) godine, 6 mjeseci i 18 dana.

Kandidatkinja Lamija Silajdžić, MA je u relativno kratkom roku u zvanju asistenta objavila 4 rada (3 autorska i 1 koautorski) iz naučne oblasti Komunikologija/žurnalistika, učestvovala na više domaćih i međunarodnih naučnih konferencija i skupova, učestvovala u 3 naučno - istraživačka projekta, te uspješno izvršila sve svoje obaveze na trećem ciklusu studija i prijavila temu za izradu doktorske disertacije.

Komisija za pripremanje prijedloga za izbor akademskog osoblja-saradnika u naučno-nastavno zvanje viši asistent na naučnu oblast 'Komunikologija/žurnalistika' konstatira da je kandidatkinja Lamija Silajdžić, MA u izvjesnoj mjeri napredovala u izgradnji nastavničkih, odnosno pedagoških kvaliteta kroz svoj dosadašnji rad u akademskoj sredini i akademskim obavezama do nivoa da može raditi asistentski posao. Komisija u ovoj prilici savjetuje kandidatkinji da uloži dodatni napor u svom daljem pedagoškom profiliranju i pokazivanju spremnosti za izgradnju objektivnog odnosa prema starijim kolegama i posebno u nužnoj pripremi nastavničkih obaveza prihvati savjete svojih predmetnih nastavnika neovisno o trenutnim interesima čime bi se prevazišla izvjesna izostala podrška u njenom ranijem zahtjevu za uposlenjem. Komisija naglašava da je kandidatkinja Lamija Silajdžić, MA u toku svog dodiplomskog i postdiplomskog studija pokazala dobre rezultate.

PRIJEDLOG KOMISIJE


Na osnovu ovog Izvještaja i njegovog zaključka Komisija za pripremanje prijedloga za izbor akademskog osoblja-saradnika po raspisanom Konkursu za naučnu oblast 'Komunikologija/žurnalistika' predlaže Vijeću Fakulteta političkih nauka Univerziteta u Sarajevu da prihvati ovaj Izvještaj i da Lamiju Silajdžić, MA izabere u naučno-nastavno zvanje viši asistent na naučnu oblast 'Komunikologija/žurnalistika', te da taj prijedlog proslijedi Senatu Univerziteta u Sarajevu u dalju proceduru.

KOMISIJA:

1. Prof. dr. Amila Šljivo - Grbo, predsjednik



2. Prof. dr. Senadin Lavić, član



3. Doc.dr. Irena Praskač - Salčin, član